



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

10 Dezembru 2014

Parlamentu Nasionál aprova Komisaun Eventual ba debate espesialidade ba Orsamentu Jerál Estadu 2014

Iha 6 Dezembru 2013, Parlamentu Nasionál aprova Projeitu Deliberasaun N^o 11/III (2^a) kona-ba kriasaun Komisaun Eventual ne'ebé responsabiliza rekolla no analiza proposta alterasaun husi deputadu sira kona-ba Lei N^o 10/III (2^a) relasiona ho Orsamentu Jerál Estadu (OJE) ba tinan 2014. Objetivu husi kriasaun komisaun eventuais ne'e atu simplifika prosesu debate no konsensus entre bankada parlamentares kona ba OJE 2014.

“JSMP konsiente katak kriasaun ba Komisaun Eventual ne'e pertenente atu garantia katak desizaun husi komisaun eventuais sei asigura duni transparensia husi polítika Orsamentu Estadu atraves husi representasaun bandaka parlamentar no Meja Parlamentu Nasionál ,” dehan Diretór Ezekutivu, JSMP Luis de Oliveira Sampaio.

JSMP observa katak iha tinan 2013, Komisaun Eventual ne'e la funsiona diak tanba, representante partidu Fretilin hanesan opizasaun la partisipa masimu iha Komisaun ne'e nia laran. JSMP hein katak ho prezensa no repretasaun husi kada bankada parlamentar bele aseguara katak komisaun ne'e aleinde iha balansu nomos bele produtivu liu tan.

Kompozisaun husi Komisaun Eventuais ne'e tanba involve membru komisaun C hotu ba asuntu finansas públikas nain 11, Prezidente Parlamentu Nasionál, Vise Prezidente PN nain rua, representante bankada FRETILIN nain 6, representante bankada CNRT nain 2, representante bankada PD nain 1 no representante bankanda Frente Mudansa nain 1.

Komisaun Eventual sei funsiona bazeia ba mandatu husi Deliberasaun N^o 11/III (2^a) komisaun ho kompétensia rekolla no analiza no hola desizaun atu permite proposta alterasaun husi membru deputadu sira ka bankada sira, Maske nune'e, la taka dalan ba membru parlamentu sira nu'udar proponente ba proposta ne'ebé kanseladu atu levanta fali iha plenária.

Komisaun Eventual ne'e mos hetan autorizasaun durante prosesu ne'e sei rona esplikasaun direktamente husi membru governu sira inklui Ministra Finanzas no Primeíru Ministru rasik.

Tuir ajenda, debate OJE 2013 loloos akontese iha 9 Dezembru maibe adia ba 16 Dezembru 2013 tanba Primeíru Ministru Xanana Gusmão sei ba partisipa iha seremonia funerál eis Prezidente Afrika do Sul Nelson Mandela.

Atu hetan informasaun kompleitu, favor kontaktu:

Luis Oliveira de Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPtl